



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **10-1358-3/22**

Sarajevo, 16.12.2022. godine

Int. br. nabavke: **10-339-9/22**

Na osnovu člana 17. stav (1), člana 18. stav 1. i člana 21. stav (1) tačka d) Zakona o javnim nabavkama BiH (Službeni glasnik BiH, broj: 39/14), člana 12. Pravilnika o javnim nabavkama roba, usluga i radova „Agencije za vodno područje rijeke Save“ Sarajevo i člana 47. Statuta "Agencije za vodno područje rijeke Save" Sarajevo, donosim

POSEBNU ODLUKU

o pokretanju postupka javne nabavke roba – Pregovarački postupak bez objave obavjesti o nabavci "Hitna nabavka Boks barijera za sanaciju klizišta na savskom nasipu, lokacija Kopačević rampa"

Član 1.

Pokreće se postupak javne nabavke **pregovaračkim postupkom bez objave obavještenja o nabavci** za nabavku roba čiji je predmet **Hitna nabavka Boks barijera za sanaciju klizišta na savskom nasipu, lokacija Kopačević rampa**.

Član 2.

Predmetna nabavka nije predviđena u Planu nabavki "Agencije za vodno područje rijeke Save" Sarajevo za 2022. godinu, te će se ista evindetirati u Plan nabavki prilikom prve naredne Izmjene i dopune Plana nabavki.

Član 3.

Procjenjena vrijednost javne nabavke iznosi 60.000,00 KM (slovima: šezdesethiljada konvertibilnih maraka) bez PDV-a.

Za nabavku usluga iz člana 1. ove Odluke predviđena su sredstva u sklopu Plana i Finansijskog plana Agencije za 2022. godinu, ekonomski kod 6148192117, stavka Plana B.1.1.7..

Član 4.

Poziv za dostavljanje zahtjeva za učešće u postupku iz člana 1. Ove Odluke uputiti ponuđaču .

Član 5.

- Ova odluka stupa na snagu danom donošenja.

Obrazloženje

U sklopu redovnih aktivnosti obilazaka i pregleda zaštitnih vodnih objekata na području Odžačke Posavine, vodočuvarska služba pravnog lica (Vodoprivreda "Posavina" d.o.o. Odžak) koje je zaduženo za redovno i pojačano održavanje ovih objekata je dana 01.12.2022. godine uočilo pojavu klizišta na savskom odbrambenom nasipu na lokalitetu ušća obodnog kanala Svilaj-Potočani u rijeku Savu. Klizište se nalazi na stacionaži savskog odbrambenog nasipa km 17+040 (Kopačević rampa) sa vodne strane i proteže se u dužini od cca 45 m.

Agencija je o predmetnoj problematici upoznata aktom broj: VP-126/22 od 01.12.2022. godine. U cilju sagledavanja trenutnog stanja na terenu te definisanja mogućih rješenja, ovlaštenu predstavnik AVP Sava je u prisustvu predstavnika Vodoprivrede "Posavina" d.o.o. Odžak i nadzora "Rudarski Institut" d.d. Tuzla koji je pratio rekonstrukciju predmetne dionice nasipa izvršio obilazak predmetnog klizišta.

Aktom broj: VP-144/22 od 13.12.2022. godine Agencija je informisana da se klizište produžilo za dodatnih 50 m, tako da se predmetno klizište proteže na dužini od cca 100 m savskog odbrambenog nasipa.

Pošto su se u narednom periodu očekivale intenzivnije padavine i povećani vodostaji rijeke Save potrebno je bilo urgentno djelovati u smislu definisanja uzroka klizanja materijala na vodnoj kosini nasipa te iznalaženju privremenog tehničkog rješenja kojim će se spriječiti dalja devastacija tijela nasipa.

U tom pravcu proveden je postupak javne nabavke za angažovanje ovlaštene i stručne firme koja će izvršiti ispitivanje pokrenutog klizišta, određivanje njegov mehanizama i dubine te davanje adekvatnog tehničkog rješenja u cilju privremene sanacije nasipa do stvaranja uslova za potpunu sanaciju savskog odbrambenog nasipa na predmetnom lokalitetu. Nakon ispitivanja predmetnog klizišta firma "Rudarski Institut" d.d. Tuzla je dostavila Izvještaj o provedenim terenskim ispitivanjima i prijedlog privremene sanacije nasipa do stvaranja uslova za potpunu sanaciju savskog odbrambenog nasipa- nasip na području Odžačke Posavine, Lokalitet Kopačević rampa koji je dostavljen na protokol AVP Sava 16.12.2022. godine i isti je prilog ovog akta. U sklopu pomenutog izvještaja dat je prijedlog hitnih sanacionih mjera i tehničko rješenje za realizaciju istih, kako bi se spriječilo dalje oštećenje nasipa, klizanje, a i samo štetno djelovanje velikih voda rijeke Save i preduprijedilo neželjeno proširenje klizišta i eventualni kolaps nasipa što bi izazvalo nesagledive štete po ljude i materijalna dobra na branjenom području Odžačke Posavine u slučaju da dođe do daljeg rasta vodostaja rijeke Save na predmetnom lokalitetu

Iz pomenutih razloga dana 16.12.2022. godine je aktom broj: VP-151/22 Područni rukovodilac odbrane od poplava na poplavnom području Odžačka Posavina je u skladu sa Uredbom o vrstama i sadržaju planova zaštite od štetnog djelovanja voda ("Službene novine Federacije BiH", broj: 26/09) i Federalnim operativnim planom odbrane od poplava - FOP ("Službene novine Federacije BiH", broj: 97/15) dostavio prijedlog Glavnom rukovodiocu odbrane od poplava za vodno područje rijeke Save za donošenje rješenja o proglašenju vanredne odbrane od poplava za poplavno područje Odžaka Posavina za predmetni lokalitet.

Na osnovu svega navedenog Glavni rukovodilac odbrane od poplava za vodno područje rijeke Save- Direktor AVP Sava je donio Rješenje o proglašenju početka vanredne odbrane od poplava na poplavnom području Odžačka Posavina (broj: 01-1351/22 od 16.12.2022. godine- u prilogu) čime su stvorene formalno pravne mogućnosti za provođenje hitnih sanacionih radova od strane pravnog lica koje je zaduženo odbranu od poplava na ovom području (Vodoprivreda "Posavina" d.o.o. Odžak).

Vodoprivreda "Posavina" d.o.o. Odžak je odmah po zaprimanju Rješenja hitno pristupila realizaciji


privremenog tehničkog rješenja datog od strane Rudarskog inistituta d.d. Tuzla u skladu sa raspoloživim sredstvima koje je u tom trenutku raspolagala u skladištu (Box barijere punjene pijeskom i geoembrane), a također i sve raspoložive box barijere su Odlukom O uključivanju sredstava (boks barijere) sa poplavnog područja Srednja Posavina na poplavno područje Odžačka Posavina koji je donio Glavni rukovodilac odbrane od poplava za vodno područje rijeke Save- Direktor AVP Sava (broj: 10-1351-3/22 od 16.12.2022. godine- u prilogu) stavljenje na raspolaganje za provođenje hitnih sanacionih mjera.

Nažalost raspoloživa količina box barijera nije dovoljna da se postigne visina privremenog zaštitnog objekta od 3 m kako je predložio Rudraski istitut" d.d. Tuzla , već je dovoljna samo za visini od 2 m, što ne pruža dovoljnu sigurnost ovog tehničkog rješenja. Nedostajuća količina koju treba što hitnije nabaviti je cca 450 m box barijera.

Obzirom da je na snazi vandredna odbrana od poplava i da je neophodno što hitnije realizovati predmetne sanacione radove koji će imati za cilj sigurnost nasipa i kako bi se osiguralo da ne dođe do proboja nasipa za vrijeme velikih voda rijeke Save i spriječile štete po ljude, imovinu i materijalna dobra, a i shodno svemu gore navedenom, predlaže se da se za nabavku pomenutih box barijera izvrši pregovarački postupak u skladu sa članom 21. stav d) Zakona o javnim nabavkama ("Službeni glasnik BiH" 39/14 i 59/22).

Dostaviti:

- Sektor za ekonomske, pravne i opšte poslove
- Sektor za upravljanje vodama
- a/a

DIREKTOR

Sejad Delic, dipl.inž.

